

Pukul jurugambar : ketua bahagian PKR ditahan
Malaysiakini.com
Aug 20, 2008

Seorang pemimpin bahagian PKR telah ditahan hari ini berhubung dengan insiden dua jurufoto dipukul di Permatang Pauh Sabtu lalu.

Mohd Nor Kamil Abdul Samad, 39, ditahan ketika dia pergi ke ibu pejabat balai polis Sentul pada kira-kira jam 2.30 petang tadi selepas melihat gambarnya disiarkan dalam akhbar hari ini.

Gambar timbalan ketua PKR bahagian Batu itu dihantar oleh pihak polis untuk disiarkan oleh media. Dinyatakan bahawa beliau dikehendaki untuk membantu siasatan insiden tersebut.

Menurut peguamnya, Ngeow Chow Ying, Nor Kamil pergi ke balai polis tersebut secara sukarela selepas berbincang dengan pemimpin parti.

Katanya, Nor Kamil bersedia untuk memberi kerjasama sepenuhnya kepada pihak polis dalam siasatan insiden tersebut.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/88156>